

ԱՐԵՎՄՏԱՀԱՅ ՄՏԱՎՈՐԱԿԱՆՈՒԹՅԱՆ ՍՊԱՆԴԻ ԱՐՏԱՅՈՒՈՒՄԸ
ՀԱՅ ՄԱՄՈՒԼՈՒՄ 1915-1916 ԹԹ.

Տ. Ա. ՍԱՀԱԿՅԱՆ

Թուրքական իշխանությունների իրականացրած Հայոց Մեծ եղեռնի առաջին դործողություններից մեկը Թուրքիայի Հայ մտավորականության ձերբակալությունը, աքսորն ու ոչնչացումն էր: Դրանով Թուրքական կառավարությունը ձգտում էր արևմտահայությունը գլխատել, նրան զրկել ղեկավար ուժից, բողոքի հնարավորությունից: Հայ մտավորականության դեմ դանդաղածային հալածանքները սաստկացան 1915թ. ապրիլից՝ ընդգրկելով Թուրքիայի բոլոր վայրերը: Հարվածն ուժեղ էր հատկապես Կ. Պոլսում, ուր գտնվում էր Հայ մտավորականության սերունդը՝ բազմաթիվ գրողներ, արվեստագետներ, գիտնականներ, քաղաքական, հասարակական ու կուսակցական գործիչներ:

Պատերազմի նախօրյակին Կ. Պոլսի բնակչությունը հաշվվում էր 600 հազար մարդ, որից 150 հազարը հայեր էին: Դրանց մեջ կային ինչպես արհեստավորներ, բանվորներ, մշակներ, մտավորականներ, այնպես էլ հարուստներ, վաճառականներ, պետական ազդեցիկ պաշտոնյաներ և այլն¹: Ինչպես Կ. Պոլսում, այնպես էլ ողջ Թուրքիայում բավական մեծ էր պոլսահայության ազդեցությունը, և մայրաքաղաքից արտասանված՝ Հայ դործչի խոսքերը կարևոր նշանակություն ունեին արևմտահայության համար: Կ. Պոլսում էին կենտրոնացած Հայ մշակութային հաստատությունների մեծ մասը, ազգային հասարակական-քաղաքական միտքն ու մտավոր ներուժը՝ իրենց փայլուն ներկայացուցիչներով և գործունեությամբ: Համազգային ընդգրկվածներով: Կ. Պոլսի Հայ մտավորականությունը բազմաթիվ թելերով կապված էր Հայ գավառին, շատ դժվարեցրած ընթացք և ուղղություն էր տալիս վերջինիս մտավոր և մշակութային զարգացմանը: Առանց չափազանցության կարելի է ասել, որ Կ. Պոլսի Հայ մտավորականության կործանման մտահղացումը ոչ այլ ինչ էր, եթե ոչ ազգի հոգևոր և մտավոր կարողությունների կործանման մտահղացում: Սա էր այն հիմնական պատճառը, որ Թուրքական կառավարությունը եղեռնը սանձազերծելուց անմիջապես առաջ գործի անցավ օր առաջ ազատվելու այդ «անհարադատ տարրից»: Պոլսահայությունից երիտթուրքական կառավարությունը ցանկանում էր ազատվել դեռ պատերազմի սկզբում, սակայն անգլո-ֆրանսիական նավատորմի ձեռնարկած Դարդանելի օպերացիան, ինչպես նաև Կ. Պոլսի միջազգային կապերը նրան հարկադրեցին առժամանակ հետաձգել իր պլանները և բավարարվել պոլսահայ մտավորականության ոչնչացմամբ: Թուրքական իշխանությունները չունենին նաև պոլսահայ ողջ բնակչությանն այդ ժամանակ տեղահանելու տեխնիկական հնարավորություններ: Կայսրության մայրաքաղաքը ծանր կացության մեջ էր դաշնակիցների սպառնալիքների ներքո: Նման պայմաններում իթիհադական կենտրոնում բուռն վիճաբանություններից հետո հաղթում է առայժմ միայն Հայ անվանի մարդկանց աքսորելով բավարարվելու, իսկ

¹ Մ. Ա. ր զ ու մ ա ն յ ա ն, Հայաստան 1914-1917, Ե., 1969, էջ 320:

1915թ. մայիսի 9-ին «Հորիզոն» լրագիրը ստանում է Սոֆիայից ապրիլի 26-ին ուղարկված և Կ. Պոլսում տեղի ունեցածի ավելի հստակ պատկերը տվող Հաղորդագրություն, որում ասվում էր. «Պոլսում տեղի են ունեցել մասսայական ձերբակալություններ. ձերբակալված են մոտավորապես 200 հոգի, որոնց թվում էին խ. Մալումյանը, խաթակը, Շահրիկյանը, Հրաչը, Շահպաղը, Սիամանթոն, Զարդարյանը, Ս. Մինասյանը, Վարուժանը, դոք. Հաչայանը, վարդապետներ՝ Պալարյանը, Կոմիտասը, Հովնանը, Հուսիկ քաջանան, Լևոն Լարենցը, Ներսես Զաքարյանը, Զառչյանը, Արամ Անտոնյանը, Երվանդ Օտյանը, Կիկոն և Կավոտչը և շատ ուրիշներ: Խիստ խուզարկություններ տեղի ունեցան Պատրիարքարանի մեջ... Բռնվածները բոլորը ուղարկված են Դոնիա»⁸:

«Հորիզոն» խմբագրությունը ստանում է նաև Հաղորդագրություն Կ. Պոլսից, որտեղ, հաստատելով Հայ մտավորականության ձերբակալության իրողությունը, հազորովում է. «Կալանավորները... բոլորն ալ ղրկված են Զանդրի, Գոնիա և Էնկիտի քաղաքներ: Կալանավորներու աքսորավայրերը ուղարկելու դրժողությունը կատարված է ժանդարմերիական ամենակոպիտ միջոցներով»⁹:

Թուրքական կառավարությունը սկսում է արևմտահայ մտավորական ուժի ոչնչացումը, ինչպես գրում է «Հորիզոնում» Ա. Շահխաթունյանը, առանց քաղաքական դավանանքի խտրության. «Երևի համոզել էր գերմանական շտաբին, որ սրանք բոլորն էլ լրտեսներ և խառնակիչներ են»¹⁰:

Հայ մտավորականների առաջին խմբի ձերբակալությունից հետո Կ. Պոլսի Հայոց պատրիարք Զավեն արքեպիսկոպոսը Գրիգոր Զոհրապի և այլոց հետ ապրիլի 13 (26)-ին այցելում է Թուրքիայի վարչապետ Սալիդ Հալիմ Խաչային, նրան ներկայացնում Զոհրապի կազմած հուշագիրը, որում մտահոգություն էր հայտնվում հայերի նկատմամբ կիրառվող դրժողությունների առնչությամբ, խնդրվում էր դադարեցնել կայսրությունում հայության նկատմամբ ծայր առած հալածանքները և հայտնվում էր, որ «Հայոց դեմ. ձեռք առնված միջոցառումները սահմանադրական կառավարության մը արդար դժգոհություններուն չի համապատասխաներ բնավ»¹¹:

Սակայն, «Հայ ինտելիգենցիայի և պրոսոպոկրատիայի մեջ ապրիլի 11-ին սկսված ձերբակալությունները շարունակվում են ամբողջ շաբաթ, և ձերբակալվածները առանց դատի ու քննության աքսորվում են Փոքր Ասիայի հարավային վիլայեթներ, ուր նրանց սոսկալի տանջանքների էին ենթարկվում»¹²:

1915թ. ապրիլի 24-ից 29-ը ձերբակալվում, ապա խումբ-խումբ Անատոլիայի խորքերն են աքսորվում Հայ անվանի երեսփոխաններ, ուսուցիչներ, բժիշկներ, արվեստագետներ, հոգևորականներ, լրագրողներ և այլ մասնագիտություն տեղի հայտնի ու ազդեցիկ մարդիկ՝ թվով ավելի քան

⁸ Հորիզոն, Թիֆլիս, 9. V. 1916:

⁹ Նույն տեղում, 16. V. 1916:

¹⁰ Նույն տեղում, 13. V. 1916:

¹¹ Զ ա վ ե ն ա ռ ք ե պ ի ս կ ո պ ո ս, Պատրիարքական հուշերս, վավերագրեր և վկայություններ, Կահրե, 1947, էջ 98-100:

¹² Հորիզոն, Թիֆլիս, 21. V. 1916:

800 հոգի¹³։ Մտավորականների խմբերը սկզբում աքսորվեցին երեք վայրեր՝ քաղաքականությունը զբաղվողները՝ Այաշ գյուղ, մյուսները՝ Անկարայի և Գաստեմունի միջև գտնվող Չանդըր փոքրիկ քաղաքը և Չանդըրի և Ամասիայի միջև գտնվող Չորում վայրը։ Սկզբում նախատեսվում էր Անկարայում գինվորական դատարաններ գումարել և նրանց դատել։ Հետո աքսորյալներին հավաստիացնում էին, թե նրանք դատարանի առջև կկանգնեն Դիարբեքիրում և այլուր¹⁴։

Սակայն թուրքական կառավարությունը ոչ մի փաստ չունեի այդ մարդկանց դեմ մեղադրանք հարուցելու, և բացի այդ, ծրագրված էր հայ անվանի մարդկանց ուղղակի ոչնչացնել աքսորի ճանապարհին։

Կ. Պոլսից աքսորված և տարբեր վայրերում խողխողված հայ անվանի մտավորականների շարքում էին Օսմանյան խորհրդարանի անդամներ Գրիգոր Զոհրապը և Վարդգեսը (Հովհաննես Սերենգյուլյան), որոնք ձերբակալվել էին 1915թ. օգոստոսին (նրանք մեղադրվում էին «պետական հանցագործության մեջ», պետք է «ներկայանային» Տիգրանակերտի գինվորական ատյանին, իսկ մինչ այդ Ադանայի և Հալեպի վրայով տեղափոխվել էին Ուրֆայի բանտ), բանաստեղծ Սիրամանթոն (Ատոմ Յարճանյան), բանաստեղծ, ուսուցիչ Դանիել Վարուժանը (Չալուքջյարյան), գրող, մանկավարժ, հրապարակախոս Ռուբեն Զարդարյանը, բանաստեղծ, բժիշկ, բժշկական ընկերության նախագահ Վ. Թորգոմյանը, բժիշկ, բանասեր հրապարակախոս Նազարեթ Տաղավարյանը, բժիշկ, բանաստեղծ Ռուբեն Սևակը (Զիլինկիրյան), ուսուցիչ, գրող, հրապարակախոս Հրանդը (Մելքոն Կյուրճյան), գրող, մանկավարժ Թլկատինցին (Հովհաննես Հարությունյան), բանաստեղծ, քննադատ Արտաշես Հարությունյանը, արձակագիր, ուսուցիչ, խմբագիր Երուխանը (Երվանդ Սրմաքեչխանյան), արձակագիր, բանաստեղծ, խմբագիր Տիգրան Չեոկյուրյանը, բազմաթիվ վեպերի և պատմագիտական ուսումնասիրությունների հեղինակ Սմբատ Բյուրատը, բանաստեղծ-թարգմանիչներ Լևոն Լաբենցը, Ժակ Սայապյանը (Փայլակ), երգիծաբան, խմբագիր Գրիգոր Թորոսյանը, արձակագիր Գեղամ Բարսեղյանը, դերասան Ենովք Շահենը, հրապարակախոս, պատմաբան, «Բյուզանդիոն» թերթի խմբագիր Տիրան Քելեկյանը, բանասեր Հովհաննես Ղազանչյանը, հասարակական գործիչ, խմբագիր, հրապարակախոս Եսալեմը (Գարեգին Կոզիկյան), բանասեր, պատմաբան, հրապարակախոս Գաբիկ Օղանյանը, նկարիչ Հրանտ Աստվածատրյանը, բժիշկ Խան Փաշայան Կարապետյանը և հարյուրավոր ուրիշներ։ Աքսորի չարչարանքներից, եղեռնի սարսափներից հոգեկան ծանր ցնցումներ ապրեց և խելագարվեց կոմպոզիտոր Կոմիտասը¹⁵։

Կ. Պոլսից աքսորված հայ մտավորականներից շատ քչերին՝ երգիծաբան Երվանդ Օտյանին, Թեոդիկին (Թադեոս Լաբճինճյանին, «Ամենուն տարեցոյցի» հրատարակիչ), Արամ Անտոնյանին («Լույս» շաբաթաթերթի խմբագիր) և ուրիշների, թվով ընդամենը ութ հոգու, հաջողվեց խուսափել մահվան ճիրաններից։ Նրանք հետագայում հայություն

¹³ Հ. Բյուրատյան, Դավաճներ հայկական եղեռնին և վերածնունդ. 1915-ի ջարդերու մասին տեղեկագիրներ եվրոպական, ամերիկյան և հայկական աղբյուրներով. Փարիզ, 1946, էջ 156։

¹⁴ Զ. Կիրակոսյան, Առաջին համաշխարհային պատերազմը և արևմտահայությունը (1914-1916 թթ.), Ե., 1967, էջ 294։

¹⁵ Տե՛ս Ամենուն տարեցոյցը, Կ. Պոլիս, 1916-1920 թթ.։

և Համայն մարդկության առջև իրենց հուշագրություններով ներկայացրեցին թուրքական դժոխքում հայերի նկատմամբ իրականացված ցեղասպանության բաղձալիքով մանրամասներ¹⁶:

Նախքան նահատակվելը Հայ մտավորականները ականատես են լինում Անատոլիայի ճանապարհներին, Միջագետքի անապատներում իրենց ժողովրդի տառապանքներին և բարբարոս եղանակներով տանջվելով՝ սրի են քաշվում: Դանիել Վարուժանին ստիպում են, որ իր ձեռքերով փորի իր գերեզմանը և հետո գնդակահարում են¹⁷, Գրիգոր Զոհրապի գլուխը քարերով ջարդում են Ուրֆայի և Դիարբեքի միջև գտնվող Շեյթեն-Դերե վայրում և այլն: «Թուրքահայ ժողովրդի հետ միաժամանակ ճարակվեց նաև թուրքահայ ինտելիգենցիան, որը համիդյան ջարդերի ժամանակ խնայվել էր», - գրում է Թիֆլիսի «Հորիզոն» թերթը¹⁸:

Հայ մտավորականության ձերբակալությունը Հաջորդում է Կ. Պոլսում գտնվող Հայ պանդուխտների տեղահանումը, որոնք ուղարկվում էին իրր թե իրենց ծննդավայրերը, բայց հազիվ մայրաքաղաքից մի քիչ հեռացած, ենթարկվում էին ժանդարմների և չեթենների հարձակումներին: «Շատ քչերն են, որ կարողացել են մագապուրծ ազատվել այդ բորենիների ձեռքից», - գրում է «Հորիզոնի» թղթակիցը¹⁹:

Հայ մտավորականության ապրիլյան եղեռնից հետո, 1915 թ. հունիսի 2 (15)-ին Կ. Պոլսում թուրքական իշխանությունները սկսեցին 1914 թ. հուլիսի 12-ին ինքնավար Հայաստան ստեղծելու և ահաբեկություն կազմակերպելու ամբաստանություններով ձերբակալված, հնչակյան 20 գործիչների դատավարությունը²⁰: Ըստ թուրքական պատժագրի 54-րդ հոդվածի, նրանք Կ. Պոլսի զինվորական դատարանի կողմից մահվան են դատապարտվում՝ մեղադրվելով այն բանում, որ կազմակերպել են «Հնչակյան կուսակցության» գործիչների գաղտնի համագումար, տպագրել ու տարածել են հակակառավարական կոչեր և Օսմանյան կայսրության մի մասն անջատելու նպատակով գրագրություններ են ունեցել՝ գրգռելով օտարներին օսմանյան կառավարության դեմ: Իբր, սպանության մի շարք փորձեր կատարելով, նրանց վերջնական նպատակն էր անկախ Հայաստան ստեղծել²¹: Հնչակյան գործիչները, որոնց թվում էին Փարամազը (Մատթեոս Սարգսյան), Մ. Զաքարյանը, Ռ. Կարապետյանը, Հ. Բասմաջյանը, Հ. Եկալյանը, Ե. Մանանյանը, Թ. Թովմասյանը, Հայտնի արաբագետ, դոկտոր Պենենեն՝ Պ. Թորոսյանը, Ե. Թոփուզյանը, Կ. Պոլսում պատերազմից սուղ հրատարակվող «Կայծ» պարբերականի խմբագիր Գ. Վանիկյանը (Վանիկ), Ա. Աչքալալյանը և ուրիշներ, Կ. Պոլսի սուլթան Բայազետի հրապարակում կախաղան են բարձրացվում:

¹⁶ Տե՛ս նույն տեղում, Ա. Ա. ն. տ. յ. ա. ն, Մեծ ոճիրը: Հայկական վերջին կոտորածները և Թալեիթ փաշա, Բոստոն, 1921:

¹⁷ Տե՛ս Մ. Արքեպիսկոպոս Օ... (Օրմանյան) -ի տեղեկագիրը, Ա. Թուրքահայ աղետը, պատմական փաստաթղթեր, Ս. էջմիածին, 1919, էջ 16:

¹⁸ Հորիզոն, Թիֆլիս, 1. I. 1916:

¹⁹ Նույն տեղում, 6. X. 1916:

²⁰ Նույն տեղում, 7. X. 1916:

²¹ Պատմություն Ս. Դ. Հնչակյան կուսակցության, 1887-1962թթ., Հ. Ա. Պեյրուլթ, 1962, էջ 391:

²² Հայրենիք, Թիֆլիս, 20. IX. 1915:

Այնուհետև Կայսերիում կախաղան են բարձրացվում ևս 32 հայտնի մարդիկ, որոնց թվում 12 հնչակյան գործիչներ²³, իսկ Վանում ապստամբության օրերին բանտի մեջ խեղդամահ են արվում 5 հնչակյաններ՝ Տ. Օտյանը (Ասո), Ս. Սոխալյանը, Հ. Արամիչյանը, Ա. Բրուտյանը և Կ. Տանթոյանը, որոնք երկար ժամանակ բանտարկված էին որպես պետական դավաճաններ²⁴:

Թուրքական իշխանություններն արևմտահայ մտավորականության ոչնչացման իրենց քաղաքականությունն իրականացնելու գործում առանձնահատուկ ուշադրություն են դարձնում արևմտահայ հոգևորական խավի ընաճիչման վրա: Պետականությունից զուրկ հայության կյանքում հոգևոր դասը դարեր ի վեր խաղացել է ազգապահպանության և ազգահավաքման կարևոր դեր: Հայ հոգևորականները զբաղվում էին ինչպես հայության հոգևոր, կրթական, մշակութային զարգացմամբ, այնպես էլ նրա քաղաքական կազմակերպմամբ՝ երբեմն ղեկավարելով ազգային-ազատագրական շարժումները: Թուրքական կառավարությունը, լավ հասկանալով հայության կյանքում հոգևորականության ղեկավար ազդեցությունը, որը կարող էր անցանկալի խոչընդոտներ առաջ բերել հայոց դեմ իրագործվելիք ցեղասպանության ընթացքում, բոլոր հնարավոր միջոցառումները ձեռնարկեց նրան չեզոքացնելու, այսինքն՝ ոչնչացնելու ուղղությամբ: Դեռ եղեռնից առաջ Թուրքիայում օսմանյան կառավարությունը խստագույն հսկողություն էր սահմանել հայ եկեղեցիների ու վանքերի վրա, որոնց թիվը, ըստ Մ. Օրմանյանի կազմած վիճակագրության, 1912 թ. հասնում էր ավելի քան 2200-ի²⁵: Պատերազմի ժամանակ թուրքական բարբարոսները կոդուպեցին, ավերեցին ու հրկիզեցին մոտ 2150 հայկական եկեղեցիներ ու վանքեր և կոտորեցին շուրջ 4000 հոգևորականների: Ավերվեցին Արմաշը, Ախթամարը, Մշո Սուրբ Կարապետը, այլ կրոնամշակութային հաստատություններ²⁶:

Պատերազմի ժամանակ թուրքական կառավարությունն առանձնահատուկ թշնամական դիրք զբաղեց Կ. Պոլսի հայոց պատրիարքության նկատմամբ, թեև վերջինս ընդհանուր առմամբ վարում էր հպատակվելու քաղաքականություն: Ինչպես գրում է Նյու Յորքի «Կոչնակ» շաբաթաթերթը, «Թուրքական կառավարությունը հատուկ հրամանով հատուկ ներկայացուցիչ է նշանակում հայոց պատրիարքարանի և Ազգային ժողովի նիստերին ներկա գտնվելու համար: Պատրիարքարանը մերժում է կառավարության այս որոշումը, որին հետևում է թուրքական կառավարության սպառնալիքը, ուր կտրուկ կերպով հայտնվում է, որ եթե պատրիարքարանն իր կամքով չհամաձայնի կառավարության այս հրամանին, ապա այն ի կատար կածվի բռնի ուժով»²⁷:

²³ Bryce Viscount, *The Treatment of Armenians in the Ottoman Empire 1915-1916. Documents presented to Viscount Grey of Fallodon, Secretary of State for Foreign Affairs*, London, 1916, p. 12.

²⁴ Հայրենիք, Թիֆլիս, 20. IX. 1915:

²⁵ Մ. Օրմանյան, Հայոց եկեղեցիներ և իր պատմությունը, վարդապետությունը, վարչությունը, բարեկարգությունը, արարողությունը, գրականությունը ու ներկա կացությունը, 6-րդ հրատ., Բեյրութ, 1960, էջ 259-264:

²⁶ Մ. Արզումանյան, նշվ. աշխ., էջ 327:

²⁷ Կոչնակ, Նյու Յորք, 9. I. 1915, էջ 43:

Կ. Պոլսի Հայոց պատրիարք Զավեն արքեպիսկոպոսը Հայերի տառապյալ դրուժյան կապակցութեամբ մի քանի թագրերներ (խնդրագիր-դիմումներ) ներկայացրեց թուրքական կառավարութեանը, բայց ոչ մի արդյունքի չհասավ: Թագրերներից մեկը, որը գրված էր 1915թ. մայիսի 27-ին, վերաբերում էր գլխավորապես Հայ եկեղեցիների կողոպտմանն ու ավերմանը, հոգևորականների Հալածանքներին ու սպանութեանը: Դրան դատական նախարարը պատրիարքարանի ներկայացուցչին բերանացի պատասխանում է. «Ս. Պատրիարք հոր մեկ թագրերն ստացա: Հետաքրքրվեցա ու քննեցի. ոչ պատրիարքարանի կանոնագրքի և ոչ ալ ֆերմաններու գտա պարբերություն մը, որ իրավունք տար պատրիարքարանին այս տեսակ քաղաքական թագրերներ տալու... Ըսեք Սրբազանին, որ այս միջոցներուն, առանձնաշնորհմանց տված իրավասութենեն դուրս այս տեսակ դիմումներ թող չընեն»²⁸:

Զավեն պատրիարքն արևմտահայութեանն իսպառ ոչնչացումից փրկելու համար փորձեր արեց նաև անձամբ տեսակցել թուրքական ղեկավարների հետ, բայց նախ՝ դա նրան հաջողվեց աներևակայելի քաջաշունչներից հետո, ե. երկրորդ՝ ոչ մի դրական արդյունք չունեցավ: Այսպես, 1915թ. հունիսի 25-ին նա տեսակցեց դատական նախարար Իրազիմ բեյի հետ, նրան ներկայացրեց Հայերի ծանր կացութիւնը և Հայտնեց, որ կառավարութիւնը չի վստահում Հայերին և ցանկանում է ընդհատել նրանց: Սակայն, դատական նախարարը ցինիկաբար վստահեցրեց, որ թուրքական կառավարութիւնը նման հիմարութիւն չի կարող անել՝ իր երկրի տարրերից մեկին բնաջնջել²⁹:

Պատրիարքը, ևս մեկ անգամ, 1915 թ. հունիսի 27-ին, տեսակցում է թուրքիայի վարչապետ Սալիդ Հալիմ փաշայի հետ և, չստանալով որևէ արդյունք, միաժամանակ արժանանում է կշտամբանքների³⁰: Ավելի սանձարձակ է պահում իրեն Հայոց պատրիարքի հետ թուրքիայի ներքին գործերի նախարար Թալեաթը, որը երկար ձգձգումներից հետո, վերջապես 1915 թ. սկստեմբերի 19-ին մի կերպ ընդունում է Զավեն արքեպիսկոպոսին³¹:

Թուրքական իշխանութիւնների թշնամական վերաբերմունքը Կ. Պոլսի Հայոց պատրիարքարանի հանդեպ հանգում է նրան, որ փաստորեն այն վերացվում է՝ մեղադրվելով «հեղափոխականների» ազդեցութեան տակ ընկնելու մեջ: Ինչպես վկայում է Զավեն պատրիարքը, 1916թ. սկզբին լուրեր են տարածվում այն մասին, որ վերացվում են Հայոց Ազգային սահմանադրութիւնը և Պոլսի պատրիարքութիւնը³²: Շուտով այդ լուրերը ճշտվում են. թուրքական կառավարութեան՝ 1916թ. հունիսի 26-ի որոշմամբ ընդունվում է «Հայոց կաթողիկոսութեան և պատրիարքութեան կանոնադիր», որով վերացվում է (դա ձևական վերացում էր, իսկ փաստականը վաղուց էր եղել) 1860 թ. Ազգային սահմանադրութիւնը, իսկ Սսի ու Ախթամարի կաթողիկոսութիւնները միավորվում են մեկ անձի մեջ՝ որպիսին պիտի լիներ Երուսաղեմի կաթողիկոս-պատրիարքը՝ ժողովին անկախ էջմիածնից, և «տաճկահայերի կապն ու հարաբերութիւնը

²⁸ Զավեն արքեպիսկոպոս, նշվ. աշխ., էջ 103:

²⁹ Հայկաչեն տարեգիրք, Կ. Պոլիս, 1922, էջ 153-154:

³⁰ Նույն տեղում, էջ 157-158:

³¹ Զավեն արքեպիսկոպոս, նշվ. աշխ., էջ 187:

³² Նույն տեղում, էջ 160-161:

Այսպիսով, թուրքական ցեղասպան իշխանություններին հաջողվում է գրեթե իսպառ ոչնչացնել արևմտահայությունյան մտավոր, ղեկավար ուժը՝ դրանով բացառելով ամեն տեսակի կազմակերպված ընդդիմություն իրենց հրեշավոր քաղաքականություն իրականացման ճանապարհին:

³⁶ Ազգ, Բոստոն, 17. IX. 1915:

Массовые избиения начались в апреле 1915г. по всей территории Османской Турции, особенно страшные масштабы приняв в Константинополе. В период с 24 по 29 апреля 1915г. были арестованы и впоследствии сосланы в глубь Анатолии более 800 влиятельных представителей армянской интеллигенции – врачей, учителей, искусствоведов, писателей, общественно-политических деятелей. Турецкие власти особое внимание уделяли уничтожению западноармянского духовенства, которое в условиях потери армянской государственности на протяжении веков играло решающую роль в сплочении армянского народа и сохранении национального самосознания. В результате турецкие власти смогли почти полностью уничтожить интеллектуальную и руководящую элиту западных армян, ликвидировав любого вида противодействия на пути осуществления своих варварских планов – геноцида армянского населения Османской Турции.